

閩縣陳公寶琛年譜

陳立鵬教授

Professor Leo Chen

地址: 75 Robinhood Dr.
San Francisco, CA 94127
U.S.A.


電話: (415) 333-5553

傳真: (415) 333-5535

Printed in U.S.A.
by Fong Brothers Printing Inc.



陳公寶琛遺照
(1848 -1935)



138550

102102



公在閩辦學時攝



王夫人眉壽遺照



劉宜人（河南人）
早年遺照



側室劉宜人玉蘭遺照
(1921年養病於北京釣魚臺)



六男懋隨（立鷗）

三男懋艮

長男懋復

次男懋侗 幼孫 繁

五男懋需（伯時，懋艮子）



二女婉貞
(師班；適林)



三女嫻貞
(師孟；適王)



四女瑜貞
(適臺灣林家)



五女髣貞
(逸華；適劉)



八女容貞（師頌適林）
六女勤貞（敏修適林）

七女南貞（薰琴適何）
九女京貞（師周適張）



攝於福州鼓山喝水巖前



與遜清遺老合影於天津



出殯路經北京西單牌樓



靈柩



五男隨柩



西單牌樓路祭棚



棚內路祭



閩縣 陳公 寶琛 之墓

閩縣陳公寶琛年譜

公諱寶琛，字伯潛，一字潛史，號攷龕，一號橘隱，晚年自署為橘叟、聽水老人、滄趣老人，福建閩縣螺洲鄉人。先世於唐季自河南固始入閩，定居長樂。始遷祖諱廣，於明永樂中來居閩縣之螺洲鄉，遂為洲之望族。十四傳至公曾祖尚書公諱若霖，字望坡，始以科名顯，累官至刑部尚書，道光中致仕歸，道歿于天津舟次。曾祖妣李夫人，誥封一品夫人。祖 布政公諱景亮，字孔輔，號弼夫，尚書公仲子也，以任子久官兵曹，簡放陝西督糧道，累遷雲南布政使，以足疾乞退。祖妣鄭夫人。考 光祿公諱承裘，字孝錫，號子良，布政公冢嗣也，成進士後以主事用。時 布政公方督儲關中，不欲久違侍奉，遽

乞假就省，布政公自滇藩引疾歸，遂侍奉不出。妣林太夫人。

公兄弟六人，公其長也。生平大節見門下士義甯陳三立所為墓誌。遺著有《陳文忠公奏議》二卷、《滄趣樓詩》十卷、《聽水齋詞》一卷、《聽水齋律賦》一卷、《滄趣樓文存》二卷。公之嘉言懿行亦散見焉。茲編特就公之交游出處，按年編次，以便後之欲知公者易於檢索云爾。余生也晚，又值時事滄桑，文獻散佚，舛漏之處，自知不免。尚希海內外賢達熟諳前朝掌故者，能補充而是正之。

子婿張允儔 謹識

閩縣陳公寶琛年譜

清道光二十八年 戊申 公元一八四八 一歲

九月二十三日，生於螺洲鄉後門埕里第。

道光二十九年 己酉 一八四九 二歲

十二月七日，弟寶璿生，字仲勉。時布政公方任兵部郎中，乞假在里，聞擢陝西督糧道之命，尚未赴任也。

道光三十年 庚戌 一八五零 三歲

偕弟寶璿奉 光祿公及 林太夫人隨赴 布政公任所。

咸豐元年 辛亥 一八五一 四歲

八月，光祿公回閩應鄉試，中式舉人。

咸豐二年 壬子 一八五二 五歲

始入家塾。

光祿公赴京會試，成進士。以刑部主事用，在浙江司行走。因不欲久違定省，旋乞假回陝。

咸豐三年 癸丑 一八五三 六歲

咸豐四年 甲寅 一八五四 七歲

咸豐五年 乙卯 一八五五 八歲

布政公調升山東鹽運使，旋署山東按察使、布政使。舉家遷居濟南。

咸豐六年 丙辰 一八五六 九歲

咸豐七年 丁巳 一八五七 十歲

正月十五日，弟寶璐生，字叔毅。

光祿公歸閩，為鄭夫人卜葬。公及仲勉、叔毅兩弟俱從。閩俗多拘忌，得片壤，撓者百端，卜兆多不就。至是始得地於縣之東南，偏古嵐山。巖居水宿，事必躬親，先後三年，始告集事。時公與弟仲勉皆已入塾。每自塾歸，光祿公輒令旁侍，為述祖德庭訓，及道咸間所聞見士夫賢不肖行事，與生平所接名人碩士之言論丰采，勗以名節。

十二月八日，弟寶琦生於螺洲，字季涵。

咸豐八年 戊午 一八五八 十一歲

咸豐九年 己未 一八五九 十二歲